

法苑義林

卷三

一

法苑義林

法苑義林卷第三

法苑義林卷第三

授

大慈恩寺沙門

基

撰

半

三寶

破魔羅

三慧

三輪

八別一諸教不同

人

中闕一紙三十七行

喜故由如少

四緣故說能歸依一多

願故四更不說有餘大師故

一親近善士二聽聞正法三如理作意四法隨喜

若有成就此四正行乃名歸依復有四行一 諸根

不掉二受學學處三悲愍有情四應時時聞於三寶
所勲脩供養六因果分別歸依在因非於佛果無所
歸依故能歸依亦無豚鷄經云聲聞辟支佛有恐怖
有歸依佛不求依如來無恐怖無歸依可有敬礼梵
網經中釋迦亦礼靈舍那故法花亦言我聞聖師子
深淨微妙音喜稱南牟佛故有敬礼七有漏無漏分
別身語唯有漏意業通無漏七地已前在因位故或
在因位三業俱通無漏後得智中有敬礼故若有佛
身皆無漏故八地差別語業至初禪有尋伺故身業

法苑義林卷第三

至四禪有身業故意業通九地有善思故二定已上
雖借語起非善性故非語敬體地前菩薩無色聖者
佛邊聽法故有意表歸依即不然不發無表故九三
性分別唯善性攝崇重賢善必慚愧俱唯善性故生
得加行二種皆得聞思修三理亦無爽十三科分別

法苑義林三

四

援

體唯色行眷屬五蘊體唯一界處謂法界法處若表
三界處謂色聲法眷屬四處十界攝四處者色聲意
法處十界者色聲七心及法界也十一由五因緣餘
諸天等非可歸依唯有三寶是真歸依處一由形相

謂彼諸天由不現見無變儀故由形暴惡有怖畏故
由習放逸有貪愛故由捨利他無悲愍故由不了知
作與不作於真實義不通達故如來形相由現可見
有變儀故由形恬怕無怖畏故由無縱逸離貪愛故
由常不捨利有情事有悲愍故由善了知作與不作
於真實義善通達故復有五相佛可歸依為利有情
取菩提故由能善轉正法輪故恩怨有情等心利故
捨家眷貪恒寂靜故能善解釋一切疑故二由自性
諸天漏隨性非調善焉能化他如來離漏自性調善
故能化物三由作業諸天受欲損宮有情惡業可得

法苑義林卷第三

佛住靜慮能利有情善業可得四由法爾謂由世間
及出世間吉祥盛事無不皆依自功力得若無功力
雖事諸天亦不能得故雖不事天但自作功力必能
得之佛則不尔有大威神能為善友方便勸化令自
修習便獲盛事五由因果雖彼天身由天業得為由
供養諸天故得為無因得皆有過失如彼論說十二
處歸依者獲四功德一獲大福二獲大歡喜三獲三
摩地四獲大清淨復獲四德一大護圓德由歸三寶
十方聖衆皆擁護之令無障難二於一切種耶信解
障皆得輕微或永滅盡三得入聰睿正行正至善士

衆中所謂大師同梵行者四為於聖教淨信諸天歡
喜愛念唱如是言我等成就三歸依故從彼處沒來
生此間是諸人等今既成就多住歸依亦當成就我
衆同分中顯揚第六說亦同此雖有少別六義無異
此等義門或有誡教或以義准未見前徵諸廣學者
詳而正之

法苑義苑三 五 稷

第十三寶章 三寶略以六門分別一明種類二出
體性三釋名字四辯廢立五顯差別六解妨難明種
類者有六種類一同體二別體三一乘四三乘五真

法苑義林卷第三

寶六住持同體者勝鬘經說歸依第一義是究竟歸
依無異如來無異歸依如來即三歸依涅槃第十說
若能計三寶常住同真諦此即是諸佛家上之誓願
又云若於三寶修異相者當知是人所有禁戒悉不
具足尚不能得二乘菩提何況能得大菩提也又云
佛即是法法即是僧乃至佛性即是法身故三同體
別體者涅槃經第五佛言憍曇彌其供養我當供養
僧若供養僧即得具足供養三歸摩訶波闍波提言
衆僧之中無佛無法云何說言供養衆僧則得具足
供養三歸我復告言汝隨我語則供養佛為解脫故

即供養法衆僧受者則供養僧是故三歸不得為一
善男子如來或時說一為三說三為一如是之義諸
佛境界非諸聲聞緣覺所知一乘者勝鬘經云說一
乘道法得究竟法身於上更無說一乘法事三乘衆
者有恐怖歸依非究竟依顯揚論說善逝善說妙三
身無畏無流證教法上乘真實牟尼子我今至誠先
讚禮佛地論云稽首無上良福田三身二諦一乘衆
法花亦說十方佛土中唯有一乘法等三乘者勝鬘
經說於未度世間無依世間與後際等作無盡歸依
常住歸依者謂如來應正等覺也法者即說一乘道

法苑義林卷第三

僧者即是三乘衆彼經意說為三乘者所現身名為
佛寶二乘所修教理行果一乘方便名一乘道法會
歸一乘故雜集頌云敬礼如是大覺尊無等妙法諸
聖衆又云此三佛身是差別義當知此中亦讚法僧
功德法寶者自性因果等義所攝僧寶者隨此修學
所生諸言所表一切三寶安慧意同天親所說心無
偏黨有力皆敬故言諸會諸聖衆等攝論亦云稽首

大覺諸如來無等妙法真聖衆無別簡別故通三乘
真實者三身佛寶一切無漏教理行果三乘法寶一

初住向住果住道三乘聖衆名為僧寶大小乘同真
實三寶十輪經第五說沙門有四一勝道沙門二乘
無學已離有支或大菩薩不假他緣於一切法知見
無障礙受利樂一切有情皆名勝道沙門所攝皆唯
勝義僧二示道沙門其勝義僧及世俗僧於中或有
亦是示道沙門所攝若有成就別解脫戒真善異生
乃至具足世間正見彼由記說變現力故能廣為他
宣說開示諸聖道法名象大品示道沙門預流第二
一來第三不還第四十地菩薩是名第五示道沙門
三命道沙門若有成就別解脫戒軌則所行清淨具

法苑義林卷第三

足以道活命故名命道又大菩薩為利有情具足修行六到彼岸亦名命道如是勝道亦道命道三種沙門名為世間真實福田依彼經說真善異生持別解脫戒具足正見說聖道法名為亦道前異生等具戒七支名為命道此二沙門得名世間真善福田故真實三寶通異生類或此不然聖道現前斷滅煩惱內理無諍外事和合可名僧寶設非沙門者理無諍故皆名僧寶與諸沙門種類同故若諸異生住戒住見亦入真實僧寶攝者則非沙門住戒見類亦僧寶攝於理事二皆非和合云何名僧福田與僧寶二義別

故非異生福田亦真僧寶攝若許異生二種沙門
真僧寶者事和合故餘類不然於二說中後說為善
住持者世尊取後將般涅盤於忉利天安居說法優
填王等思仰聖容彫檀為像以為供養佛從忉利方
下寶塔檀像起立礼拜迎逆世尊摩頂而記像言未
來住持廣為佛事故花嚴說十佛前五世俗佛中有
住持佛又餘經言其未度者亦皆已作得度因緣即
是舍利遺形及像皆是住持佛寶所攝佛滅度後法

有三時謂正像末具教行證三名為正法但有教行

法苑義林卷第三

名為像法有教無餘名為末法此教行二有漏攝者
及棄文字皆住持法寶無漏三法真法寶故亦道命
道二沙門中異生具戒具見等類正像末法能住持
者是住持僧又十輪經說四沙門中第四名為汙道
沙門雖非真實亦得墮在福田數中無慚愧僧於我
正法亦名死屍於清衆海應當擯弃非聖器故我於
於彼人不稱大師彼人於我亦非弟子又有慚愧僧於
我舍利及我形像及我法僧聖所愛戒深生敬信
自無耶見亦令他無能宣正法讚歎不毀常發正願
隨犯數悔業障皆除當知是人信三寶戒力勝諸外

道多百千倍輪王不及況餘有情故勸有情作如是
說於我法中剷除墮段我終不聽毀罵槌罰此出家
者三卅諸佛慈悲護念是故輕毀即毀諸佛有無漸
僧毀破禁戒非聖法器自起耶見亦令他起誑毀三
乘手讚一乘如是破戒惡行甚重誑惑有情令生惡
見師及弟子俱斷善根當墮地獄如是死屍腫脹爛
臭若與交遊共住同事是穢重深失聖法財師及弟
子俱斷善根當墮地獄是故若無初三妙門於行道
中求身雖破戒不壞正見者親近承事聽聞法要不
應親近戒見俱壞惡行甚重觀前文意初是無慚者

法苑義林卷第三

亦得名為住持僧寶及上座等僧像亦然然彼經中
第四卷說若有苾芻於諸根本性重惡中隨犯一罪
雖名破戒惡行迭重而於親教和合僧中所得律儀
猶不斷絕及至棄捨所學尸羅猶有白法香氣隨逐
諸國王等無有律儀不應輕慢及加撻罰彼雖非法
器雜穢清眾不捨戒故猶勝一切在家白衣犯性罪
者當應如是況犯其餘諸小遮罪此文即是初無慚
僧壞戒有見故得有戒後無慚者善根既斷戒亦隨
無非住持攝住持令他善根生故法隨有故彼令善

根滅法隨滅故非住持攝第二出體性者同體三寶
即淨法界真如法身涅槃盤經云佛即是法法即是僧
僧即是常常即虛空虛空即佛性佛性即法身說無
垢稱經入不二法門品寂靜根言佛法僧寶分別為
二若了佛性即是法性法性即是僧性如是三寶皆
無為相與虛空等諸法亦尔達此名悟不二法門故
別體三寶佛以三身佛為自性如三身義林說法謂
三乘無漏所攝教理行果四法為性教謂音聲名句
文身如惣義林說理謂二諦四諦等理此有二種一
根本智境法實性故即二空理二後得智境變似彼